

## Nazio Ikurren gogoeta prozesua 2018ko urritik 2020ko apirilera

Gidaliburu honetan urte eta erdi hauetan egin dugun lanaren emaitza duzu. Batetik ikur bakoitzari buruzko historia eta zehaztapenak jasotzen joan izan gara, denak hemen bilduta eskaintzeko. Lehenengo bertsioa egin genuenetik ekarpen eta zehaztapen nahikotxo jaso dira eta horri esker, ikur bakoitzaren “argazkia” hobetu dugu.

Gure ustez, orain arte bederen, nazio ikur guztiei buruzko horrelako lana egin gabe zegoen eta zentzu horretan, lehenengo harria jarri dugulakoan gaude, abertzale guztiok ezagutu behar dugun arlo hau hobeto ezagutu dezagun.

Bestetik oraingo egoera islatzen ere saiatu gara, herritarren joerak, Euskal Autonomia Erkidegoak eta Nafarroako Komunitateak egiten duten ikurren erabileraz, etab...

Azkenik, noski, etorkizuna irudikatzen saiatu gara, burujabe izan nahi duen herri honek bere askatasunaren biderako lagungarri izango zaizkion ikurrak aldatu eta mantendu behar dituen ikusten saiatzeko.

Hiru hitzaldietan eta 2. biltzarrean parte hartu genuenok bozketa xume bat egin genuen, gutxi gorabehera partaideen joerak zeintzuk diren ikusteko. Parte hartze txikia beraz, eta ikur batzuetan erantzun gutxi gainera. Gainera, 2. biltzarrean aurkeztu ziren proposamen berriak ez zeuden hitzaldietan eta, beraz, ez ziren horietan bozkatu. Beraz, hutsune guzti horiek kontuan hartuta, orain arte jasotako iritziekin argazki bat eskaintzen saiatuko gara, baina, oso partziala denez, bere neurrian hartu behar dela kontuan hartu.

Horrez gain, esan beharra dago herriak erabakitzen duela zein nazio ikur maite dituen, zeintzuk erabiltzeko prest dagoen... Goitik datorrenean, estatu askotan ikusten dugun moduan, nazio ikur horiek batzeko baino banatzeko tresnak izan daitezke.

Beraz, 18 hilabeteko gogoeta honen ondoren, ikurrei buruz jasotako material eta gogoeta hau herriratu nahi dugu, eta zerbaiterako lagungarri izango delakoan gaude. Bestetik adostasun maila altuagoa jaso duten ikurren kasuetan, *Obanoseko aldarria*, *Gernikako Arbola* edo *Egutegi Nazionala* adibidez, horiek zabaltzeko lana ere egingo dugu, gure neurrian. Gainerakoetan eztabaida eta kontraste lanarekin jarraituko dugu ea proposamen hauetako batzuk elkartzen diren edo txukuntzen diren.

Ikus ditzagun ikurrei buruz esandako gauzak:

### Nazioaren izena

Euskal Herria: %44rentzat izen egokiena izan da, lurralde osoa irudikatzen duelako, euskeraz horrela beti erabili delako.

Nafarroa: beste %22k *Euskal Herria* izenak ez dituela gure historia eta izan dugun estatua islatzen diote, nahiz eta hizkuntza eta kultur ikuspegitik ondo ikusten duten baina *Nafarroa* hobetsi behar dela ikusten dute, historiari traiziorik ez egiteko. Horien barruan baten batek euskerazko izen zaharra hobetsi beharko genukeela dio eta *Nabarra* hizkuntza guztietarako erabili, edo bereizteagatik eta oraingoarekin nahasketara ez sortzeagatik, burujabetza lortu arte, *Nabarre* deitu.

Baskonia: Nafarroakoa baino egitura politiko zaharragoa dela, gaur egun ere erabiltzen dela eta nahasketarik sortzen ez duela defendatuz, %14k horren alde egin du.

EH Nabarra: beste %11k estatu eta kultur eta herri izenak uztartu behar direla diote eta izen hau proposatu dute. Osorik idatzita honela: *Euskal Herri Nabarra*.

Euskadi: historikoki ere oso garrantzitsua izan da baina une honetan EAerekin erabat lotuta dagoenez, izen horrekin nazio osoa irudikatzea oso zaila dela aipatu da eta bozka gutxi jaso du.

Baskonabarra: izen hau historiari erreparatzeko balioko lukeela, oraingo Nafarroako Komunitatearekin ez litzatekeela nahastuko, eta gainera, EAE barne hobeto adierazita egongo litzatekeela hartuko lukeela iritzita, proposamen honek aldekotasun batzuk ere jaso ditu.

Euskal Herriaren Konfederazio Nafarra: proposamen bat ildo honetan egon da, nolabait izen historiko biak batuz, EH Nabarraren izenaren antzera.

## Armarria


Zazpiak bat: %50ak honen alde egin du: betikoa, argia, onartua, zabaldua... horren alde egiteko arrazoi asko eman dira.

Nafarroakoa: historikoki armarri zaharrena da, Zazpiak batek baino 700 urte gehiagorekin, gure herria eta egitura politikoa identifikatu dituena..., eta %32k horren alde egin du.

Bostak bat: Nafarroako armarriari dagokion garrantzia emateko baina beste errealitate historikoak, hau da, Bizkaia, Gipuzkoa, Araba eta Lapurdi zein Zuberoa ere jasotzeko, proposamen berria egon da inkestaturen %17ekin.



Zazpiak bat



Nafarroakoa



Bostak bat

## Bandera

Ikurrina: %24ak ikurrinaren alde egin du. Hemen aldaera txiki bat Naziogintzak proposatu du, ikurrinari 8 puntako izar bat jarrita, burujabetzarako ikurrina ohiko eredutik bereizteko eta katalanek egin duten antzera burujabetzarako lagunduko gaituena bereizteko. Baina gehienak betiko ereduaren alde daudela dirudi.



Ikurrina



Iazardun ikurrina



Nafarroako bandera



Nafarroako armarridun bandera


Nafarroakoa: beste %24ak Nafarroako banderaren alde kokatu da. Horren barruan bi ildo daude, orain dela 500 urteko banderaren oinarrituta egindakoa ala fondo gorriaren gainean betiko armarria duena. Nafarroako armarria babesteko emandako argudio berdintsuak ikusi dira banderaren kasuan: ikurrina baino 700 urte zaharragoa dela eta gure herria eta egitura politikoa identifikatu dituela.

Bandera biak, ikurrina eta Nafarroakoa elkarrekin erabiltzearen aldeko beste proposamen bat egon da.

Ikurrina eta Nafarroako banderaren uztarketekin zenbait proposamen egon dira eta boto batzuk jaso dituzte:

Nabarrina: gure herriaren alde odola eman duten bandera biak uztartu behar direla diote horren sustatzaileek. Guztira, %24k horren alde egin du.

EH-NA, EH-NA Batasun Ikurria eta Gure Banderak: beste hiru proposamen hauek ere ikur biak uztartzearen alde egin dute, aukera desberdinak eskainita.



Arranobeltza, Lemuria, EH Beltza, Berria: beste lau hauek ere proposatu dira eta hemen jaso ditugu:



Banderei dagokienez aipatu diren arazo nagusiak hauek izan dira: Ikurrina EAerekin eta Nafarroakoa Nafarroako komunitatearekin gero eta gehiago identifikatzen direla, Ikurrinak ez duela azken 800 urteko Nafarroako Erreinuaren historia jaso, Nafarroakoa ez dela euskararekin identifikatzen edo euskal kulturarekin, ikur biak uztartzen dituzten bandera berriak batzuei ez zaizkie gustatu, bandera biak (Ikurrina eta Nafarroakoa) elkarrekin erabili daitezkeela...

## Ereserkia

Gernikako Arbola: gure askatasuna ondoen islatzen duen kanta dela iritzita %39k horren alde egin du. Jose Mari Espartzak kanta horri buruz 2. biltzarrean eman zituen azalpenek asko horren alde egitera bultzatu zituzten.

Nafarroako ereserkia: Altsasuko hitzaldian Enrike Zelaiak Wilkinson ingelesak lehengo karlistadetan, 1938an, jasotako ereserki hau jo zuen eta jendeari gustatu zitzaion. Horren alde daudenek ereserkitzat egokia dela diote eta %22k horren alde egin du.

Eusko gudariak: herri honek bere burujabetzaren alde erakutsi duen irmotasunaren ikur honek partaideen %17ko aldeotasuna jaso du.

Nafarroako Gorteetakoa: tradizioz betetako kantak %13 jaso du.

Beste proposamenak: Boga-boga eta Jaiki-jaiki boto ere proposatu dira.

## Aberri Eguna eta egutegi nazionala

Aberri Eguna: oraingo egunari eustearen alde %35 azaldu da. Batzuek honen alde baina baita Euskeraren Egunaren alde ere egin dute: jai politikoa eta jai kulturala biak ospatu behar direlako, katalanek San Jordi eta Diada biak ospatzen duten moduan. Batzuk zertxobait aurreratuko lukete, martxora, Aste Santuan ez jausteko edota ildo erlijiosoa ez emateko. Horren ildotik, proposamen bat egon da udaberriaren hasieran ospatzeko, martxoaren 21etik hurbilen dagoen igandera, balitekeelako gure urte hasierak data horietan ospatzea ikerle batek proposatu duen moduan (ikus Nazio Ikurren Gida).

Aberri Egunaren inguruan, dataz gain, beste kontu asko eztabaidatu dira: alderdien esku geratu denetik zatiketa handiagoa dela, antolaketa herrikoia izan behar dela, deszentralizatzea ere aukera bat dela ala urtero herrialde batean egitea hasieran egin ziren bezala, etab.

Orreaga Eguna: %24k herri honek izan duen gudu garrantzitsuenetakoa gogoratzeko proposatu dute, abuztuaren 15ean aberri eguna jartzeko.

Euskeraren Eguna: abenduaren 3an beste %12rentzat egokia da nazio eguna izateko.

Beste batzuk: Gudari Eguna, Amerria (Nabar sorterriaren eguna): aberriaren eguna.

Bestetik, egutegi nazionalari buruz, oro har, Udalbiltzak bere garaian egin zuen proposamena ontzat ikusi da, egun batzuekin osatuta: Urtarrilak 1 Urtats, Martxoak 8 Emakumearen Eguna, Martxo-apirilean Aberri Eguna, Maiatzak 1 Langileen eguna, Ekainak 24 San Juan eguna, Abenduak 15 Orreaga Eguna, Irailak 27 Gudarien Eguna, Abenduak 3 Euskeraren Eguna.

## Aldarria

Aberri librearen alde, jende librea zutik: Obanoseko aldarri zaharra baina inoiz zaharkituko ez denak ikur guztien artean adostasun indizerik handiena lortu duena da, %64rekin. Egia esan lerro batean ezin da hain ondo laburtu herri aske batek herritar askeak behar dituela. Latinezko izen zaharra ere mantendu behar dela aipatu da.

Gainerakoak: beste izenetan jada aldeotasun gutxiago jaso dira,; *Gora Euskadi Askatuta, Gora Euskal Herria, Izan ginelako gara izan garelako izango dira, Denok bat eta Ez dago zapaltzaileen hizkuntzan askatu den herririk.*

## Nortasun agiriak

ENA: aldekotasun gehiago jaso du, %50rekin, baina horietako askoi orain arte egon diren bi agirien uztarketa egin behar dela ikusten dute, ENA eta EHNA, eta gainera oso erraza dela. Bide horretatik ENAK Udalbiltzarekin bilera batzuk egin zituen baina azkenik Udalbiltzak ez du proiektu horrekin jarraituko oraingoz eta ez da ezer egin.

EHNA: Udalbiltzak bere garaian egin zuen agiri honek %25eko aldekotasuna jaso du.

Beste proposamenak: NA Nafar Agiria, EN Euskal Herri Naparra, euskalduntasuna erakutsiko lukeena edo pasaportea erabilita nortasun agiririk ez dela behar proposatu izan dira.

## Domeinuak

Ikur honi buruz galdetzean jende gutxik erantzun du inketan, zalantza ugari dagoela erakusten diguna.

.nv ala .nb: Bandera eta armarrion Nafarroakoa proposatu duten moduan, hemen ildo beretik joan behar dela diote batzuk.

.eus: uste baino atxikimendu gutxiago jaso du.

Beste batzuk: .bk (Baskonia), .eh (Euskal Herria), edo .ehn (Euskal Herri Nabarra)

### Ikurren proposamenak eta jasotako atxikimenduak

Ikurra	Proposamena	%
Izena	Euskal Herria	44
	Nafarroa (Aldaerak: Nabarra, Nabarre)	22
	Baskonia	14
	EH Nabarra (osorik: Euskal Herri Nabarra)	11
	Euskadi	3
	Baskonabarra	3
	Euskal Herriaren Konfederazio Nafarra	3
Armarria	Zazpiak Bat	50
	Nafarroakoa	32
	Bostak bat	14
	Ez da armarririk behar	5
Bandera	Ikurrina	24
	Nafarroakoa	24
	Ikurrina-Nafarroakoaren uztarketak: Nabarrina	24
	“ EH-NA	3
	“ EH-NA Batasun ikurra	3
	“ Gure banderak	3
	“ Biak erabili, elkarren ondoan	3
	Naziogintza: ikurrina izarduna	3
	Arranobeltza	3
	Euskaldunia	3
	Berria (hori-beltza)	3
	EH Beltza	3

<b>Ikurra</b>	<b>Proposamena</b>	<b>%</b>
Ereserkia	Gernikako Arbola	39
	Nafarrokoa ereserkia (Wilkinson-Zelaia)	22
	Eusko Gudariak	17
	Nafarroako Gorteetakoa	13
	Boga-boga	4
	Jaiki-jaiki	4
Aberri Eguna	Pazko igandea, betikoa	36
	Orreaga Eguna	25
	Euskararen Eguna	13
	Gudari eguna, irailak 27	6
	Abuztuak 15, Abenduak 3	6
	Amerria (Nabar sorterrria)	6
	Urte hasiera ilargi egutegian: martx. 21	6
Egutegia	Egutegi nazionala: Udalbiltzakoa jai batzuekin osatuta	100
Aldarria	Aberri librearen alde, jende librea zutik (Obanos)	64
	Gora Euskadi Askatuta	7
	Gora Euskal Herria	7
	Izan ginelako gara, izan garelako izango dira	7
	Denok bat	7
	Ez dago zapaltzaileen hizkuntzan askatu den herririk	7
Nortasun Agiriak	ENA (erantzun batzuk EHNarekin uztartuta)	50
	EHNA	25
	NA Nafar Agiria	6
	EN Euskal Herri Naparra	6
	Gure euskalduntasuna azaltzen duena	6
	Pasaportea soilik erabiltzea, nortasun agiririk ez	6
Domeinua	.nv / .nb	33
	.eus	17
	.bk / .ek	17
	.eh	17
	.ehn	17